

مکملہ ادبی

❁ ادبی و سیاسی رسالہ اسبوعیہ در ❁

۳۱ نجی سنہ

۶ جمادی الاخری ۱۳۳۰

❁ پچشینہ ❁

جلد : ۱۴ - جزو : ۱۴۷

اوچنچی ناپولیون و جنراللری

(مابعد عن جزؤ ۱۴۶)

جنرال (نیل) ، اوزمانه قدر تولوزده قول اردو قوماندانی اولان جنرال (لوبوف) خلف اولدی . حربیه ناظری اولمق مشارالیهک کندی آرزوسی ایله دکل ایدی ، فقط بلاتردد ایمپراطورک امرینه اتباع ایلدی . ناپولیون خصائل عسکریه ، فکریه ، معنویه نقطه نظرندن کندیسنی بک عالی تقدیر ایتمکده ایدی . مؤخرآ جنرال (لوبوفه) ، ایمپراطوره قارشى ضعف و تبعیت گوستردیکندن و آره صره حقیقی کتم ایستدیکندن طولای لوم و سرزنش ایلدی . ۱۸۷۰ سنهسی ابتداسنده مجلس مبعوثانک اکثریت آراسی ایله یگی بر قایینه تشکیل ایلدیکی زمان چکیلک نیتده بولنمش ایسهده ایمپراطورک آرزوسنه اتباعاً قالمشدر ؛ چونکه گوه زه لکی ایله کتوم اولمیان جنرال (تروشو) یی آنک برینه وضع ایتمک ایسته میوردی . معافیله اردونک قوتی تنقیص ایتمک تکلیفی تصویب ایستدیکندن و قایینه ده کی ناظر آرقداش لرینی ، « حربک اوزون بر زمان ایچون تعویق ایدلمش اولدیغنی » سویله ریک تطمین ایلسندن طولای جنرال (لوبوف) مواخذه شایاندر .

۱۸۷۰

۱۹ تموزده فرانسه مصلحتگذاری اعلان حربی برلینده آلمانیا به تبلیغ ایلش

ایدی .

فرانسزلرک سوق الجیش حرکاتی ، حرب پلاننده اجرا ایدیلان تعدیلات ایله ابتدا ایتمش ایدی . ۱۸۶۸ سنهسی حربیه نظارتنده شعبه ریسی اولان جنرال (ژاراس) ، حربیه ناظری (نیل) ک مساعده سی ایله بر « حرکات حربیه » پلانی ترتیب ایلش ایدی ، مؤخرآ (فروسار) ک پلانی قبول ایلدی ؛ بری

(استرازبورغ) بری (هیچ) بری ده (شالون) اده اولق اوزره اوج اردودن عبارت ایدی. شمعی امپراطور حزیرانده (آرشیدوق آلبرهخت) ایله اولان مذاکراتنه استناداً باش قوماندانلنی یکی فکرلر ایله کندی ایچون محافظه ایتمک ایسته یوردی. یکی حرب تشکیلاتی (انقسام عساکری) وجود پذیر ایتمک ایچون اوتوز ارکان حرب ضابطی لایققطع مساعی ده بولنیورلردی، که بوتریب اقتضاسیجه ۱۲ قول اردو برینه قوتلری بسبتون مختلف یدی قول اردو تشکیل ایتمک لازم کلیوردی. بالطبع صورت ترکیب برینه نظراً بونلرک حسن استخدام و اداره لری قولای دکل ایدی. — سواری فرقه لرینک قسم اعظمی طرز عتیق وجهله میدان محاربه سی سوارسی اوله رق قول اردولرک نزدلرنده ترک ایدلمکده ایدی.

مع مافیه سفر برلرکک طرز اجرا سنده تبدیلات متوافقه اجرا ایدلماش بولندیغندن ۱۸۵۹ سنه سنده اولدینی کی ویا آندن ده فئا اوله رق واقع اولمقده ایدی. اردو قوماندانلقر برینه تعیین اولنه جقلرینی امید ایدن (ماق ماهون) (بازن) (قاروبر) آلدانمشلر ایدی. آنلر یالگیز قوتلی قول اردولره قوماند ایده جکلردی. اوزمانه قدر جزایر والیسی اولان ماق ماهونه ناپونک اعتماد تامی وار ایدی؛ پارسده حضور برینه چیققدینی زمان کندیسنه دیمش ایدی، که حرب پک جابوق ختام بوله جق و کندیسنک جزایردن انفکا کی یالگیز پک قیصه بر زمان سورمه جکدر. بازن ایله مناسباتی ده آاز صمیمی ایدی. مکسیقاده کی تسویلات سیاسی بسبتون کسب وضوح ایتمکدیکندن و اعلان حرب زمانه قدر پارسده کی خاصه قول اردوسنه قوماند ایتمکله برابر ناپولیونک پلانلر برینه پک اوزاق و بیکانه بولنمقده ایدی؛ خصائل سرداران سنی ناپولیون پک یوکسک تقدیر ایتیوردی. قاروبر ایسه (سولفرینو) میدان محاربه سنده امید ایدلدیکی درجه ده ایش کورمه ماش ایدی. امپراطور کندیسنه وقتيله دها ملایمانه برطرزده بشقه جهتمده مساعی ده بولنمسی ایما ایتمش ایدی، که آکا نظراً مشارالیه فرماصونلر ناظری و یا مجلس حنی اعضای اولق لازم کلیوردی. قاروبر هر ایکسینی دخی رد ایش ایدی. آغستوس اواسطنده مشارالیه ینه پارس والیسی اوله رق استخدام ایتمک فکر برینه دوشدی؛

ایمپراطور بچه آنی کندی نزدندہ بولندیرمق ایستہ یور ایدی ؛ قانرور کندی قول اردوسنی محافظہ ایتک ایچون بونی دہ رد ایش ایدی . (باراکہ دیلہر) حزیران اواسطندہ والی تعین ایدلمش ایسہدہ ایمپراطور بچہ نیک استجواب ممنونیتنی داعی اولہ مدیغندن موقعنی ترک ایش ایدی ، کہ بو ، کندیسنہ یک شدتلی مؤاخذاتی دعوت ایش ایدی . ایمپراطورک الگ زیادہ مظهر اعتمادی اولان (فروسار) اردونک پیشدار قوماندانی ایدی . ایمپراطور زادہ نیک مریدی اولہرق تکمیل پلانرینہ واقف بولندیفی جہتلہ اردونک مضرتہ اولہرق مدافعہ نیک پرستشکاری ایدی . و دارالحربی احتوا ایلدیکی مواضعک عدد و وضعیتنہ نظراً تقدیر ایتکمدہ ایدی . (ترقشو) نظردن سقوط ایش ایدی ؛ فرانسر اردوسنہ دائر یک نامحرمانہ یازلمش بر کتاب آنی حسن توجہدن محروم قیلش ایدی . بیوک قرارکاه عمومی حقیقت حالہ ذوات آتیہدن ترکب ایش ایدی : (لوبوف) اردونک ارکان حربیہ رئیس ایدی ، فقط سابق حربیہ ناظری اولہرق حرکات حربیہدن زیادہ سفر برلک ایلہ اشتغالاتی وار ایدی . سریاور (لہرقون) آکا معاونت ایدہ جک ایدی ، فقط . اکثریتلہ واقع اولدیفی اوزرہ ، لوبوفک حال غیوبتندہ امر ایتک ایچون صلاحیت لازمہنی حازر دکل ایدی . حرکات حربیہ شعبہ مدیری اولان (ژاراسی) جمع حوادث ایلوردی ، لکن قسماً ایمپراطور و قسماً لوبوف طرفندن آلیقونلیدیفی جہتلہ کافہ سنی آلہ میور ایدی . مؤخرأ باش قوماندان اولان (بازہنہ) کندیسنک احوالہ یک بی وقوف کورونمسی ہیچ نظر اعتبارہ آلتاماسنی انتاج ایش و بوجہتلہ بر بیوک میدان محاربہ سی اتناسندہ کندیسنی یالگنز نشان و ترفیعلر ایلہ اشتغال ایتدیرمشدر . بیوک قرارکاه عمومی بدایتدن اعتبارأ یک انتظامسزلق ایچندہ بولنیور ، نابولین آردہ صرہ (لوبوف) اولمقسزین تدویر امور ایتکی امر ایلنیور ایدی ؛ علی الاکثر ایمپراطور دخی محافظہ سکوت ایلدیکنندن نہ یاییلہ جغنی ہیچ برکیمسہ ییلنیور ایدی .

آرشیدوق آلبرہخت ایلہ مذاکرہ ایدیلہرک قریبأ تعرضہ کچمک و نورہ نبرغ جوارندہ برلشمک چالیشمقدن عبارت اولان بیوک پلان بالطبع ہیچہ منقلب اولدی .

چونكه آغستوسك آتيسنده ايكي نقطه ده صورت قطعیه ده دوجار مغلوبیت اولدیله .
شمديکي حالده مقصد اصلی آلمانلرک فرانسه مملکتک داخلنه کیرملرني منع
ایتمک ایدی . دول سساره ایله عقد اتفاق ایتمک فرانسزلر ایچون آرتق حسابیه
آلهماز ایدی .

حقیقت حالده ایمپراطور آرتق نزدنده برمشاوره مالک دکل ایدی . لوبوف
اسباب فلاکتی ، مصمم دولت متفقهنک نقصان معاونتیه حمل ایتمکده ایدی ؛ وقتیه
اتفاق معاملات ومذاکراتنده بولنمش اولان (له برقون) سکوت ایدیوردی .
(لوبوف) ایله بعدالمشاوره ایمپراطور اردونک بر قسمتی یان طرفدن تهدید ایچون
(میچ) جوارنده ترک ایتمکده وقسم متباقیسی ایله تجمع ایلمکده قرار ویردی .

شمدي ایمپراطورمیچ (اوژنی) ناپولیونک پارسه کلامسی ایچون کال حرارت
وشدته مخالفت ایدیور و « بر ناپولیون ، پایخته مظفرانه عودت ایده بیلیر . » دیور
ایدی . مخدومی اولان برنسی پارسده قبول ایتمکدن استسکاف ایدیور و برنسی
اون یدنجی (لونی) نک اضطرابات وتاثراتیه دوجار ایتماک ایسته یور ایدی .
برنس ناپولیون دخی (میچ) جوارنده کال تأثر و حرارتیه دیمش ایدی که — اگر
هرشی فنا کیده جک اولورسه ایمپراطور آجیق صحرا ده اجرا ایدیه جک بر میدان
محاربه سنده شانلی و ناموسکارانه بر صورتده اقلیدر . —

ایمپراطور پارسه کیتیمک فکرندن فارغ اوله رق ممکن اولدینی قدر هر شینی
(میچ) جوارنده جمع ایتمکده قرار ویردی : فقط (ماق ماهون) ک مغلوب اولان
عسکرینک حالی و بشنجی ، یدنجی قول اردولرک تقریب ایدلسی خصوصنک
امکانسزلنی بر کون صکره بوفکرک دخی ترک ایدلسنی موجب اولدی . پارسده
ایسه کوندن کونه ناپولیونک باش قوماندنلق وظیفه سنی اجرا ایده جک خصائل
واقعداری حاز اولدینی شیوع بولغه باشلادی . (میچ) شهرینه کوندربیلان بر
ناظر مشارالیه بی حس و آغز خسته بولدی ؛ حیوانه پک زور یدنه بیلور و
اضطرابات شدیدنه زبونو بولئور ایدی . قایینه کاتی مشارالیه بر سفره تحمل

ایده بیهلجك قوت و قابلیت حاز اولوب اولدیغنی سؤال ایتدیکی زمان نفی ایله جواب آلمش ایدی .

ایمپراطور بجه نائبه حکومت اوله رق (لوبوف) كڭ عزانی طلب ایتمكده ایدی . فقط ایمپراطور كندیك مظهر اعتمادی اولان مستشارینك سسقوطنی آرزو ایتماكده ایدی . عاقبت آغستوسنك اون برنجی كونی ، ایمپراطور بجه نك ابرامات شدید سنه تبعاً ، یكی تشكیل ایدن هیئت وكلا مارشال بازمنك باجمله اردولره باش قوماندان تعیین ایدلمسنى یازمغه قرار ویردی . (لوبوف) بك زیاده متأثر و منفعل اوله رق چكیلدی . بوصورتنده ایمپراطور آرتق استشاره ایدمكك بر فرده مالك دكل ایدی . چونكه (بازمن) دخی اختارات وارشادتنده بولنه جق بر حالده دكل ایدی . ایشته بو وجهله (رهن) اردوسنك (مچ) دن (شالون) . سوق ایدلمسندن مطابقت افكار حاصل اولدی .

(مچ) جوارنده « بسبتون شاشیرمش اولدقلىخی » یارسسده فرق ایلان ایمپراطور بجه ، بویوك قادین ، ارلكك روحی ایله وقایع وحادثاته مداخله یه باشلادی . آرتق ایمپراطور ایچون سویله جك هیچ بر شی قالمامش ایدی . مشه رالیه حكمدار و سردار اوله رق آچیغه چیقارلمش ایدی . كندیك ۱۸۵۹ سنه سی عالم سوق - الجیش اوله رق اكتساب ایلدیکی شهرت بسبتون زائل اولمش ایدی . یارسسده عاقبت ایمپراطور بجه نك تشویقی ایله اوزمانه قدر (لیون) والیسی اولان جنرال (قوزمن دؤمونتوبان قونت دو بالیقاق) حریبه نظارتی و برقاچ كون ایچون ولانی اداره سنه آلدی . (بازمن) كڭ (مچ) دن حركتك داعی مشكلات اولدیقه واقف اولدیغنی زمان ایمپراطور بجه ایله برابر ، مجلس وكلاده اوتندن بری موضوع بحث و مناظره اولان (ماق ماهون) كڭ شالوندن مچه طوغری حركتله (بازمن) . معاونت ایتسی فكرنده بولتمقده ایدی . (ماق ماهون) ایسه بوگا بك كوچ قرار ویره یلككده اولدیغندن ۲۸ آغستوسسده حالا تردد ایتمكده و نابولیون دخی بوفكره مخالف بولتمقده ایدی . بر مجلس حربده مشارالیه : بوندن طولانی اردو مغلوب اولورسه بنم حالم نه اوله جق ؟ سؤالنی ایراد ایتدیکی زمان نظاردن موجود اولان

(شایدر) « دشمن قارشوسنده سقوط ایتمکدن بشقه برچاره یوقدر » دیمش ایدی .
بوحرک و قوعنه اساساً معارض اولان حکمدار ایشته بویله برحال و وضعده
و بر بحران و اندیشه ایچنده بولمقده ایدی .

پارسده وضعیت کیتدکجه تهدیدکارانه اولمقده ایدی . پای تخت آهین نیجه
بروالی به عرض احتیاج ایدیوردی . قانورور رد ایلدیکی جهتله حربیه ناظری
جنرال (تروشو) بی انتخاب ایلدی . مشارالیهی ، امپراطور آگستوسک اون
یدیسنده شالونده کوردی . آکا اعتماد ایتدیکی ایچون شایان اعتماد بولوب
بولمدیغنی (ماق ماهون) سؤال ایتدی . (ماق ماهون) آکا کفالت ایدم بیلجهکئی
ظن ایتمکده ایدی . امپراطور نیجه (تروشو) دن یک متفر ایدی ، آنک تفاخر
لرینی ، آقنور واری فصاحت و بلاغتنی بیلور ایدی . بونکله برابر مشارالیهیه
صداقت و تسلیمیت تامه وعد و تعهد ایلش ایدی . یکریمی کون صکره ناپولیون
خاندان حکمداریسنک یرینه قائم اولان مدافعه ملیه قومیتیهی ادارهسی آلتنده
ینه عین موضعی احراز ایلش ایدی . (ژرمن بایست) یازیورکه : « مارشال بازمن
یالکیز اوله رق بالحاکه محکوم اولدی ، فقط جنرال تروشو نقض یمین ایتدیکنندن
و آن مخاطرده بر قادینی ترک ایلدیکنندن طولانی امپراطور نیجهیه اهانت ایدن ،
مشارالیهانک محافظه سنی وعد ایدن و عاصیلرک معاوتی ایله رأس ادارهیه کنیدیسی
یکمک ایچون قوه مشروعیهی بالذات دمورن (تروشو - میج) و (لورن) ک
سقوطنده بازمندن ده زیاد قباحلی در ، هر نه قدر محکمه آنی محکوم ایتدی ايسده
تاریخ عالم ایدی اوله رق آنک نامنی محکوم و تشهر ایلجهکدر . »

امپراطور آلا رغهیه چیقارلش ایدی ، امپراطور نیجه ايسه بالیقانودن بشقه
شایان اعتماد بر مشاوره مالک دکل ایدی . میجه سوق ایدلسی حقنده کی بالیقانو
پلانسه معاونت ایتکله مشارالیهیا یا کلش حرکت ایتش بولنه بیلیر ، فقط حرکات
حربیه دن هیچ برشی آکلامیور و بردفمه قرار و یریلان شیده مصرانه ثبات ایتک
خصلته مالک بولنیور ایدی . ده آگستوسک ۲۵ نیچی کونی امپراطوره شویله

تلغراف چکیور ایدی : « بن شمعی هر نه صورتله اولورسه اولسون مارشال باز نه
 معاونه شتاب ایتمی ماق ماهونه بیلدیردم ؛ سنی ولونی دراغوش ایدرم . . »
 بوسوزلرله نصل برقهрман قالدین کبی مراد ایلدیکی کلمات آتیه دن استدلالت
 ایدلمکده در ؛ سهدان خبر فلاکتی و ناپولیونک اسارتی ناطق اولان
 تلغرافنامی داخلیه ناظری (شه ور ق) مشارالیه قرائت ایلدیکی زمان لندن
 تلغرافی آله رق شویله حایقیرمشدر : « خیر ، یا کلیورسنگز : او ، اولمشدر . . »
 ایمبراطوره اردوسنک باشنده اولمک نصیب اولماش ایدی .

آلانجه دن :

محمد رشدی

